




GADES hominum finem dixit Silius Italicus : Solinus extremum orbis terminum. Fin-
gebant enim Poëtæ hic Solum Oceano mergi, neque vltra terras esse,

*Felix, heu nimis, & beata tellus,
Quæ pronos Hyperionis meatus
Summis Oceani vides in undis,
Stridoremque rota cadentis audis!*

Nautæ Bataui etiamnum promontorium huius insulæ occidentale (Hispanis Puncta de S. Se-
bastiano) vocant, *het eynde des Werelts*; ultimam orbis metam. Hispani hanc insulam Cadiz, &
corruptè Caliz nominant. Græci *Γαδαίρα*, quasi *τῆς γῆς δεσπία*, terræ cervicem, vt prodidit Ste-
phanus in vrbibus. Plinius tamen Gadira Punicam vocem esse scribit, & septum significare. Ge-
minas idem Gades fecit. Vna insula habebat oppidum ciuium Romanorum Iuliam Augustam;
Altera oppidum Gadium: Hæc vocatur ab Ephoro & Philistide, Erythræa, à Timæo & Sileno,
Aphrodisias, ab indigenis olim Iunonia. Maiorem Timæus Cotinusam vocatam ait, alij Tar-
teson appellebant. In hac Geryonem habitasse quidam existimauere, cuius armenta Hercules
abduxit. Hunc Herculem Mela putat fuisse Egyptium, Arrianus Tyrium, eo quod Tartessus à
Tyrijs sit condita. Geryonem verò aduersus quem Hercules Argiuius ab Euristheo missus fuit,
negat Hecateus quicquam ad Iberiam pertinere; Aristoteles non ex hac Erythræa abductos bo-
ues, sed ex altera, quæ etiam Hypate dicitur, autor est. Vt ex grauissimi Philosophi testimo-
nio fabulosæ Gentilitatis vanitas appareat, insignia omnia & magnifica ad Herculem referentis,
& quidem, vt scribit Tacitus, Argium. Phœnices igitur hanc urbem primi condiderunt. Mos
enim erat antiquus Phœnicum gentis, cum multis simul mercandi causa domo proficisci,
& quum